

67 **Brjef landshöfðingja til amtmannsins yfir Suduramtinu og Vesturamtinu um 16. júní flutning þingstaðar Tálknafjarðarhrepps.** — Samkvæmt tillögum yðar, herra amtmaður, í þóknanlegu brjefi, dagsettu 1. þ. m., meðmælum hlutadeigandi sýslumanns, og beiðni hreppsnefndarinnar í Tálknafjarðarhreppi í Barðastrandarsýslu, vil jeg hjer með samþykkja, að þingstaður umgetins hrepps sje fluttur frá Kvígindisdal að Sveinseyri, þó með því skilyrði, að hreppsnefndin annist um, að til verði hæfilegt hús til þinghalda á hinum nýja þingstað.

Þetta er yður hjer með þjónustusamlega til vitundar gefið til þóknanlegrar leiðbeiningar og frekari birtingar.

68 **Brjef landshöfðingja til stiptsyfirvaldanna um embættislán til jarðabóta handa 25. júní Hvammsprestakalli.** — Samkvæmt beiðni prestsins að Hvammi í Laxárdal í Skagafjarðarprófastsdæmi og tillögum yðar, herra amtmaður, og yðar, herra biskup, í þóknanlegu brjefi, dagsettu 20. þ. m., vil jeg hjer með veita samþykki mitt til þess að nefndur prestur vedsetji hreppsfelagi Skeflsstaðahrepps nokkurn hluta af tekjum prestakallsins fyrir 600 króna láni til endurbóta á túni og engjum prestssetursins, af lánsþje því, sem hreppurinn hefir fengið úr landssjóði til jarðabóta samkvæmt 21. gr. nügildandi fjárlaga; er þetta leyfi mitt því skilyrði bundið, að lánið standi afborgunarlaust fyrstu 5 árin en endurborgist síðan af tekjum prestakallsins á 15 árum samfleytt með jöfnum atborgunum.

Þetta er yður hjer með þjónustusamlega til vitundar gefið til þóknanlegrar leiðbeiningar og frekari birtingar.

69 **Staðfesting konungs á »skipulagsskrá fyrir minningarsjóð lektor 1. apríl theol. Sigurðar Melsteðs«,** gefin út á venjulegan hátt af ráðgjafanum fyrir Ísland, Skipulagsskráin er þannig:

SKIPULAGSSKRÁ

fyrir minningarsjóð lektor theol. Sigurðar Melsteðs.

1.

Sjóðurinn er myndaður af fé, sem nokkrir andlegrar stjettar menn hér á landi skutu saman við burtför lektor theol. Sigurðar Melsteðs frá prestaskólanum í Reykjavík árið 1885, í þeim tilgangi, að af því skyldi myndaður sjóður, er bæri nafn hans, en að honum væri að öðru leyti í sjáltsvald sett, hvernig sjóðnum skyldi varið og fyrir komið. Var þetta síðan ávaxtað og lagt í útborgunardeild Söfnunarsjóðsins 1. apríl 1895; var sjóðurinn þá kr. 370,83. Um leið og lektor Sigurður Melsteð með brjefi 23. marz 1895 afhenti sjóðinn meðundirskrifudum landshöfðingja, fól hann okkur undirskrifudum að semja skipulagsskrá fyrir sjóðinn samkvæmt þeim undirstöduatriðum, sem hann hafði skrasett.

2.

Biskup landsins ásamt landshöfðingja eða ædsta valdsmanni, sem búsett.

ur er hjer á landi, hafa stjórn sjóðsins á hendi og sjá um ávöxtun hans á þann hátt, er tryggilegastur þykir og hentugastur.

69
1. apríl

3.

Alla vexti skal leggja við höfuðstól, þar til er sjóðurinn er orðinn 2500 kr. Þá upphæð má eptir það ekki skerða.

4.

Vöxtum sjóðsins, eptir að höfuðstóllinn er orðinn 2500 kr., skal jafnan safnað saman í 5 ár í senn, og skal á 5 ára fresti verja undanfarandi 5 ára vöxtum og vaxtavöxtum til heiðursgjafar handa einhverjum innlendum manni, sem hefir sýnt sig atkvæðamann í kirkjunnar þjónustu a einhvern hátt, annaðhvort sem vísindalegur gudfræðingur eða sem sálusorgari, og sem sent hefir stjórn sjóðsins beiðni um að koma til greina við veiting heiðursgjafariinnar.

5.

Stjórn sjóðsins auglýsir á undan hverri veitingu með nægilegum fyrirvara í einhverju heftugu bladi upphæð þá, sem um skal sækja, og ákvedur þá, hvenær bóunarbrjefin skuli vera komin til hennar. Af umsækjendum kys síðan stjórn sjóðsins þann, er hún telur heiðursgjafariinnar maklegastan í hvert skipti. Sæki enginn, er stjórn sjóðsins telur maklegan heiðursgjafariinnar, ræður hún hvort hún tiltekur og auglýsir nýjan umsóknarfrest, eða leggur upphæð þá, sem auglýst hefir verið til umsóknar, við höfuðstólinn.

6.

Reikning um tekjur og gjöld sjóðsins skal auglýsa árlega í Stjórnartíðindunum, deildinni B.

Landshöfðinginn og biskupinn yfir Íslandi.

Reykjavík 31. janúar 1898.

Magnús Stephensen. Hallgr. Sveinsson.

Reglugjörð

fyrir Snæfellsness- og Hnappadalssýslu um lækning hunda af bandormum.

Sýslunefndin í Snæfellsness- og Hnappadalssýslu

Gjörir kunnugt: Samkvæmt 6. gr. laga nr. 18. 22. maí 1890 um hundaskatt og fleira, er hjer með sett eptirfarandi

REGLUGJÖRD

fyrir Snæfellsness- og Hnappadalssýslu um lækning hunda af bandormum.

1. gr.

Sýslunefndin skipar 1—3 menn í hreppi hverjum, er annast skulu hreinsun hunda í hreppnum. Þar sem fleiri eru hreinsunarmenn en einn í hreppi, skipta þeir með sjer störfum; en verði þeir eigi á eitt sáttir, sker hreppstjóri úr.

Hreinsunarmenn skulu hafa hreisunina á hendi í 6 ár samfleytt, og skulu þeir skrifa undir eiðsspjall, áður en þeir taka til starfa.

70
27. apríl